

58 Sed an illegitimus ꝛ dispensatus ab Episcopo, vel à Summo Pontifice super beneficio incerto, eo consecuto cum effectu possit absque dispensatione aliud obtinere? Respondeo quòd non: quia cum dispensatio sit exorbitans, strictè est intelligenda, & ita seruatur in curia. uide Francum in capitulo primo, de fili. presbyter. libro 6. numero 12. in fine. Pœna uero ex parte recipientium ad professionem contra non obseruantes constitutionem Sixti Quinti est, ut sint excommunicati, suspensù, & priuati uoce aëctiua, & passiu. Ex parte uero receptorum, quòd professio est nulla, possuntque eiici à religione. [Hodie uero dicta constitutio fuit moderata, & penè reducta ad ius commune per S. D. N. Gregorium XIII. quæ incipit, Circumspecta Romani Pontificis prouidentia. & terminatur, Datum Romæ apud Sanctum Petrum, anno Incarnationis Dominicæ M. D. XCI. Idibus Martii, Pontificatus anno primo.]

59 Quartusdecimus, ꝛ inducitur irregularitas propter baptismi dilationem in adultis usque ad ægritudinem, capit. si quis, distinctio. 57. Verum adde unum, quod solet esse in praxi circa baptismi collationem, de quo etiam supra diximus, scilicet, quòd hodie cõmunis inoleuit usus ꝛ

60 per capit. 2. de baptis. quod ꝛ quando puer fertur baptizandus in Ecclesia, Parochus interroget obfetricem, si baptizauit puerum ita, uel ne? quæ si baptizasse responderit, iterum eam interrogare oportebit: adhibita ne fuerit debita forma, & materia? quæ si utrumque adhibuisse dixerit, necessaria nõ erit baptismi reiteratio, sed tantum faciet omnes alias solemnitates. ꝛ si uero obfetricis nõ recordatur, an debitam adhibuerit formam, & materiam, uel si adhibita debita forma, & materia, baptizauerit pedem, uel manum pueri nondum totaliter egressi ab utero matris, & tunc in utroque casu baptizabit illum conditionaliter, Si non es baptizatus, ego te baptizo, In nomine Patris, & Filii, & Spi-

ritus sancti, Amen. Ita D. Thom. 3. parte quæst. 68. artic. 11. ad quartum, Syluest. in uerbo, Baptismus, 4. quæst. 1. Io. Tab. in uerbo, Baptismus, 1. Sotus in 4. sent. dist. 5. quæst. unica, art. 1. uers. in quarto argumento.

62 Quod ꝛ secus esset dicendum, si caput extra uentrem prodierit, in quo omnes uigent sensus, nam tunc baptizato ab obfetrice capite, non opus est iterum baptizari sub conditione, D. Tho. & Sotus, qui supra. facit tex. in cap. baptizari, distinct. 6. l. cum in diuersis, de relig. & sump. fun.

63 Insuper ꝛ fit irregularis religiosus egrediendo claustrum ad audiendam phisicam, si infra duos menses non reuertitur, capit. fin. ne clerici, uel monac. cap. super specula, eod. titu. De hac diximus supra capit. 23. nume. 426. Rursum per recursum ad Imperatorem sub prætextu iniustæ excommunicationis, capit. pen. 21. quæst. ult.

64 Præterea ꝛ propter hæresim, atque obseruitem, cap. legem, 23. dist. In hac irregularitate comprehenduntur omnes serui empti, uel capti in bello, obligati ad ratiocinia publica, uel priuata, uel habentes officium per quod ad syndacatum conueniri possint, ut gubernatores, iudices, assessores, auditores. Item officiales rationales, l. officiales, C. de Episc. & cler. Aerarii, thesaurarii, syndici, uel obligati ad priuata ratiocinia, antequam ratione reddiderint; ut tutores, curatores, procuratores, negotiorum gestores.

65 Nouissime ꝛ Sixtus V. Pontifex maximus, anno 1587. per quandam extrau. quæ incipit, Cum in omnibus, contra illegitimos, & criminosos, statuit, ut criminosi, ignominiosi, ære alieno grauati nõ possint admitti ad religionem sub pœnis in ea contentis. Criminosi uerò non tantum intelliguntur, qui realiter crimina perpetrarunt, uerum de crimine famoso suspecti, ut de rapina, furto, &c.

66 Item damnati ꝛ ad triremes, uel in insulam deportati, aut in exilium condemnati: Hi enim ex defectu libertatis, cum